

EKIPA MEDIA MINISTERIO INTERIOR DISTRIBUI BULETIN NO KALENDARIO

Quarta, 15 Abril 2015 Ekipa Media Ministério do Interior continua halao distribuisaun Bulletin Edisaun 7 no Kalendario Ano 2015, ne'ebe mak introdus kona-ba actividades servisu Ministério do Interior no ninia Diresoens tomak inklui mos actividades balun mak halao ona hosi Instituisaun PNTL.

Distribuisaun refere kontinua halao hosi Ekipa Media Ministério do Interior ba iha Munisipiu Lautem ho ninia Postu Administrativos tomak mak hanesan: Tutuala, Lospalos, Lore, Iliomar.

Aktividades no programa distribuisaun Bulletin no Kalendario refere, nu'udar meius ida hosi Ekipa Media Ministério do Interior hodi divulga informasoens actividades tomak Ministério do Interior ho ninia Diresoens tomak, inklui mos informasaun actividades balun hosi PNTL nian, atu bele asesu to'o iha base.

Albu ba programa distribuisaun Bulletin no Kalendario actividades Ministério do Interior ne'e mak: DNSSP, DNPC, CORPO BOMBEIROS, PNTL, ADMINISTRASAUN MUNISIPIUS NO POSTU ADMINISTRATIVOS sira. Hodi nune'e entidades hirak ne'e bele kontinua akompanha no aktualiza nafatin informasoens no mos actividades tomak mak Ministério do Interior RDTL halao hodi aseguar estabilidade no hametin desenvolvimento ba nasaun doben RDTL, atu Povo Timor-Leste bele moris iha ambiente paz no hakmatek nia laran hodi kontribui ba desenvolvimento nasaun doben RDTL.

